

NGI KA JURO MITIICHHIKUQ?

Ranaiqshi chepat ranaiq na ngi ka Lesotho wang na welawe ashi kra hiqshong na awang chang tsütsa ahea kra chongke trahoke rea riikang. Kijaq hiqshong maiqse ka pahea hiqshong welawe nai tsangnyung rai Shiikeawe Bomtsi kra tai nguta thungto. Ara Bomtsi ka atra, ningkun henghea kiimaq nep-jasai aniq minhap ri na asi sihea kra thaq niimin henghea asi. Ariraq maiqse tsan mong na tsäuhea na saüli kholam kholiiq hantlo.

Riita ngi ka kra trahoke rea kijaq niili, welawe tanyung hokham nyung ka, tsan pan mongpan she hoqphoto. Athea phi wiinai na amak phai sawa liishe, kriinyung ka chap-hiiq chapki raüta akhiishe hoqphoto, “Ngi arka juro mitiichhii kuqlot? Ngi ara khrum kuq ronglaq. I mongjii ka bunlak buncha she. Ngi ara jamkha ijasiq she kiimaq naolaq diikiq tiidearok maiq ashi she sitiikang. Ngi arka juro mikhrum kuq lot? Ngi ka ara phiippsi chang ngarai kharü mong wa juwero mitiichhii kuqlot? Ngi riika jamlai richang she wa? Namshiq tarü raq asap han, ngi ka hokham nyung hiqshong welawe tanyung kiimaq ngi ka jechakre phong wa achu jaüti ashi.

Ngi ka ümchaü wiiroq nai pat she noqku lom lata sitiikang. Shatmaq arthun lang wan tiikang kra riika ngi ma jamlai alipi apha min ahüli leawanto. Arthur lang wan tiikang kriiraq ngi ka kharü mong wa dokda kuq wan lot mak. Nagarai raq ngi ka kharü mong niili kha raüta rümtlo. Ngi ka cherop nyung kiimaq maiqtseati mat nyung ashi sitiikang. I jaq iji thun arka ashe kiimaq abi pinthum. Jamkhano ngukla, *jurwa ngarai tang ruq miili sitlaq kriiti ka thawe rii* (1 Jh 3:8). Ara I jaq aramaq che haitiikang. Kriika manson kiqsü chang ashi! Ngarai kharü raq I hok I jaq thun ara wiita khaje rümtlo. Ngi arka Wamungtan



Jamkhano ngukla, jurwa ngarai tang ruq miili sitlaq kriiti ka thawe rii.
(1 Jh 3:8).

na kaihoti kharü mong na siti nyung!

Krii nyung ka thongshi ri hali kai atsan among bunchacha maq hoqsiq nongto. Raütiishe ngakito. Kiimaq akha tiihong raüta hoq nongto: "Ngi khrum kuq ronglaq! Khrum ronglaq! Ngi ara juro mitiichhiikuq lot? Ngi ka ara ngarai kharü mong arwa juro mitiichhii lot? Ngi raq Shiikeawe ka lungwiitiikang. Shatmaq ngarai raq ngi ka jamshatlo. Ngarai raq ngi ka wamungtan niishe tiidea hitphaq hoto. Ngi raq I se chhikhü se kra tsatbaiq kang. Ngi raq I se ka iraikhü na boqraü akhing na ngi ka chephe makaiq riikang. Ngi raq chephe makaiq jam min sap mang lam maq, ngi ka hiq na akap atsea küsiq kang. Kra lata I se I tsan I mong tiipaq chang khupo ka tiibunlak pat baiq kang. Kriikha maq I se ka tsaito. Mangchan lanta ngi ara khrum kuq ronglaq. Ngi ka ara atsai kharü mong arwa tiiwong kuq ronglaq! Naiti naiwe hiwe thungtri raq khrum kuq lot mak. Ngi ka kamasham thungtri lamphan riimin khrum kuqlot mak. Ngi Ka juwe ro mitiichhii kuq lot? Juro ngi ara mitiichhii lot?"

Kiijishe ngi raq akha trekang, "Naqhaikiq. Tsajii naq tiidoqkiq. Ümnaq chamchao tlaü kiihka maiqse wiitarü chamchaotlo. **Asii Lakdap na ümnaq hoqsii tlaü kra bomtre asi. Kiijaq ngarai raq nashiq rilung thun ara jamshatlo nguta chontglo. Shatmaq nashiq tiichhiike wantiwe Maiq Weshi asi nguta chontglo.**"

Kiijaq akha chontglo, "Ngi raq asapha I khum na jamlai min ahea ka ahü. Kriika ngi ma I han ngarai hanngam khum phara ara nangnga ngutlo. Jamkhano ngukla ngi raq ahea jaqsham ka shamro lungwii tiikang. Shatmaq ngi raq shamlot mang. Jamkhano ngukla ngi raq jamlai wa shamro tiikang kriika ahea jaqsham ka riimak. Ngi raq abi jaqsham klo romang kriili klotiikang. Arka ngi raq bliiqkiki kriili shamrat tiikang. Krai mren, ara tri raq I khum na jaq shamtlo kriili saptiikang. Jamkhano ngukla I tsan mong miika Shiikeawe tri ka lungwii tiikang. Shatmiitiq ngi raq I khum na apan athiq thun sitlaq kriijiika phanshi tri raq jamsha raüta sitlo. Kra tri raq I khutsai na sitlaq tri kra rai wesang ralii ikha riikhat raütlı sitlo. Raüta ngi ka I khum na athiq apan thun na ngarai jaqshamtaq thun kriiraq, ngi ka ngarai dise miili jamsha raüta tiisitlo." (Rom. 7:15-25). Naprai jirai liipan niili ara I tsan mong na hoqtaq ara maiqse wiitarü tsan mong na misaü wan — "**Ngi arka naolaq pinthum we! Ngi ara juro mitiichhii kuqlot?**"

BOMTRE

Arka Asii Bomtsi na akha tretlo, "ASE raq ümniika kharü mong wa dokda kuq raüla, ümniika tengteng, wase miishe mijä haü." (Joh 8:36).

Ümniiraq bomtsi ümchuwa waitlaü kriithun bomtre ka Jesuq dü na siisaq suptlo: Apaiq kli ümniiraq bom waitlaü kra bomtreti. Maiq ahin ju mang niimin tiichhiwan ka ahü. Shatmaq Jesuq mang niili tiichhiwa ka asi (Kiim 4:12). Jesuq riili nashiq ka nashiq ngarai mong wa mitiichhiilot. Apaiq tijjai pumsongkham na raübaiqtaq kra riili nashiq ngarai thun ka mitiisiilot. Taktot riimin, tsiq riimin, maiqwuaq maiqlongti riimin, maiq riimin, trahoketi shra riimin, ramwe riimin tiichhii kuqlot mak. Noqkuti riimin ümniika ngarai mongwa tiichhiilot mak. Shiikeawe Skuse mangjong maiqse ngarai ma howantiwe, Jesuq raq lamlam li ümniika mitiichhii kuq lot. Kiimaq Apaiq Asii Wenyi ningkun maq mitiichhiikuq lot.

Shiikeawe Se Jesuq ka ara mangjong hiq na kito. "Makchuktibi mak ka tiipiikqe kai miitu. Thong mong na siti kra dokdakai miitu. Raüta wasetiim ma tiijkai miitu kito. Kiimaq ranyaq tangtang phaqtek mong na siti kra tiidongbaiq kai miitu kito." (Isa 42:7). Jesuq raq nguto, "Maiq loweatek jurwa ngarai tangtlaq kriiti ka ngarai dise shatmaq ASE raq ümniika kharü mong wa dokda kuq raüla, ümniika wase she. Ümniika wase tengteng she mirhäü." (Joh

8:34-36). Jesuq ka Tengteng. Kriiraq ümniika dokda raüla, ümniika wase she ngushat. Shiikeawe Se Jesuq raq ümngarai homa thun kra Apaiq khum na pumsongkham na howanto. Ümngarai bu thun kra wiita tlotli pumsongkham na atübaiq kun she. "Tengteng Apaiq raq nashiq tsi asi homa thun kra wiita howanto. Kiimaq nashiq chapa homa thun kriimin wiita howanto Shatmaq Apaiq khum na nashiq shutphit thun ara kha na piq maq tiipulop shukto. Apaiq khum ka nashiq shutphit homa kha na tiinamtok tiibun baiqto. Apaiq raq mo jonghea howantaq kra kha maq nashiq ma khusang rakhang she kuqto. Kiimaq Apaiq raq akhum na mopung thun howantaq kra lümaq nashiq thatsi ka tiiheia kuqto she." (Isa 53:3-7).



Barabas ka maiqtseati matwe ka atseabaiq chang nguta kha ka pho raüta thong na shaqbaiqto. Apaiq ka pumsongkham na tübaiq chang riito. Shatmaq Jesuq raq apaiq rii na, Barabas tübaiq chang pumsongkham kra piho raüta kihoto. Shiikeawe Se Jesuq ka Barabas rii na pumsongkham na tübaiqto. Apaiq ka ümnaq la na, kiimaq ngi la na tübaiqto. Maiqtseatiwe matwe ka wase ma tüjabaiqto. Jamkhano ngukla apaiq la na maiq weshi tsaito. Ümnaq nai ngi ka kra Barabas kra riikai.

Ngarai jaq maq ka atsai. Shatmaq Shiikeawe raq akup kongphiq ka Jesuq Khristo lümaq asak tsitsü kuptlo. Ümniiraq kamtsantsii maq Khristo pumsongkham kra liihäula, ümniiraq maiqmii ka kra pumsongkham na tübaiqto dea nguta michiihäü. Kiimaq ümngarai homa thun ka kra pumsongkham na tübaiqto dea nguta michiihäü. Jesuq ka ümnaq tsai rii na pumsongkham na tsaito. Apaiq raq atijai raübaitaq kriika ümngarai thun kra diibaiq miitu tsaito. Jamkhano ngukla Shiikeawe raq ümnniika pinthum lungwiitlo. Raüta Apaiq raq ASE Sekhuq laqlaq Se kra ümniika tsaimäu maq, pattup pat-sa rilung milap laq nguta ngo maq ASE ka kuqto.

Arthun bomtsi ara tairaütiishe, welawe tanyung raq, Jesuq ma kamto kiimaq apaiq tsantsii ka Jesuq ma kiinong kuqto. Apaiq raq atsantsii ngarai bu kriika Shiikeawe ma kuqto. Krai mren Shiikeawe raq apaiq ma tsantsii anye tingsang she kuqto. Kiimaq Shiikeawe raq apaiq khum na Asii Wenyi ka ashо awo she tiima kuqto. Shiikeawe raq apaiq ngarai thun ka wiita kunli diibaiqtq. Kiimaq apaiq ka ngarai kharü ningkun jaqkhon mongwa dokda kuqto. Kra ranaiq akhing miiphat she apaiq ka ümchaü rawii luhea she tsomhea rilung kiimaq tangwantlii rilung sitlo. Apaiq raq che ka chetho, chetsai, sapse kham min nyangmak she. Ngishup min nyang mak she. Kiimaq soka min phaq mak she. Kiimaq soka win kriimin akhü maq shup mak she. Apaiq rilung ka siirai-rai hea she sitlo. Kiimaq apaiq rilung ka tengteng tsütsa na akha chongtlaq kriika tengtlo dea nguta hakhi ashi she sitlo. "Maiqse ashi ka ümtiikiwa Khristo raishe tiipum wandam tlaq, kriiwe ka maiq nye tingsang atiq wan miishe klai kitlo. Apaiq rilung achu ka thumto she. Apaiq rilung ka anye tingsang she." (2 Ko 5:17).

Lungwii aphattiwe lei, ümniiimin la, ümngarai kharü mongwa Jesuq Khristo ma kam wan haü jiila, kamtsantsii lümaq wase ma mitiija wan lot. Jesuq raq nguto: "Namshiq juwa ahun anii makaiq sitlanti WIITA kiimaq holai raq pat lanta sitlan, kriiti thun WIITA, Ngi pha na warong ra. Raüla Ngi raq namshiq ma nii mitiitsak kuqha." Ümniika jamkho sitlaü kiihiili Jesuq pha na wara. Riimak la ümniika ümbano sitlaü kriimiili, Apaiq ma ümngarai homa thun kra wiita chonglaq. Kiimaq ümnaq chamchao litket thun kra wiita Apaiq ma chonglaq. Ümniika Apaiq man na aranse ma jalaüta kamtsantsii maq, Apaiq phana wahaü jiila, ümniika jaq mii maq tijiang baiq mak miraq. Ümniika no-qku na ümmang asi lo riila. Shatmaq ngarai kharü mong mong niili sitlaü jiila wara, Jesuq phana. Apaiq raq ümniika ngarai kharü mong wa jaqlo liipan niili tiidong baiqsaq li mitiidong kuq. Raüta wase miishe mitiija wan. Arka Apaiq raq rampun tsitiwe tiiheakuqtq kiihka kiimaq makchukwe tiiheakuqtq kiihka mitiheakuq. Jesuq ka ümchaü min kra taqtaq li. Krai mren ümchaü min maiqse atsan atsii bunlaklak siti ka, thatsi kharü mong wa mitiichhiikuq. Raüta thawe kharü mong wa midok dakuq wan. Raüta wase miishe mitiija wan. Apaiq riika nashiq ngarai homa thun WIITA kunkun diikuqtlo. Raüta nashiq thuptsi thatsi thun WIITA tiiheakuqtlo (Sho 103:3).

Ümniiraq ümtiikiwa ümtsantsii ka Jesuq ma kuqtaü, nanok ahinti miimin, Jurwa ümniika ngarai kharü mong wa dokda wan raüta, wase miishe tija kuqtaq, Kriiwe bom ka nanok ahinti miimin chongkuq laq. Naishiq riimin tai rotiikai.

J.R. Gschwend.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

E-MAIL: info@angp.co.za
ALL NATIONS GOSPEL PUBLISHERS
P.O. Box 2191, PRETORIA, 0001, R.S.A.
(A Gospel Literature Mission financed by donations)
(Reg. No. 1961/001798/08)